

Asisko gutuna

2009ko martxoa. 1.go printzipioa: Egunero, Jainkoarekin

harreman pertsonalean jartzen saiatu. 5. zenbakia

Asis Sarea eguneroko bizimoduan espiritualtasun frantziskotarra ezagutu, partekatu edo bultzatu nahi duten laikoen sare sozial irekia da.

Asisko gutunaren bosgarren Gutun honetan, Asis Sareako lehen printzipio honekin aurkitzen gara berriro: Egunero, Jainkoarekin harreman pertsonalean jartzen saiatu. Printzipio honek berekin darama Frantziskok bere buruari egindako galdera honen aurrean jartzea: "Nor zara Zu, Jauna, eta nor naiz ni?". Bere xedea duen galdera honek Frantziskoren bizitzako etengabeko bilaketa laburbiltzen du: Jesusek bezala, Aitaren nahia egin.

Galdera horiei aurre egin ahal izateko, beharrezkoa da Jesusekin harreman pertsonal afektiboan jartzea,

hau da, elkarrizketa eta entzutezko komunikazio maitekor egiazkoan jartzea. Egunero Hari hitz egitea eta entzutea. Isilaldi bat egitea, egunero otoitz egitea edo Ebanjelioa irakurtzea bihur daitezke bide lagungarri, Jesusekin dugun harremana gure bihotzetan barneratzen joateko.

Hileroko otoitzaldian ere izango dugu aukera, Jainkoarekiko harreman pertsonal hau sareko pertsona guztiakin bizitzeko. Ez dezagun ahaztu, bide honetan ez gabiltzala bakarrik, baizik eta pertsona askok laguntzen digutela bilaketa egiten.

Gogoetarako gaia

Jainkoarengana hurbiltzen

Gutako gehienak, eta ez bakarrik sinestunak, Jainkoari bizkarra emanaz bizi gara. Eguneroko zamak akuilatuta bizi gara, eta nahiko lan daukagu gainera etortzen zaigunarekin. Jainkoarentzat ez daukagu ez denborarik ez tokirik, eta ahal dugun bezala bizi gara geure errealitate txikian, beti presaka, beti zarata artean, geure barruari entzun gabe.

Baina bizitzak ezustekoak ditu, eta noizik behin geure barren-barrenera hurbiltzeko uneak datozkigu. Geure bihotzaren barruko misterioa somatzen dugu, norbaiten bihotzarekin aurkitzen garenean, ontasunak edo giza duintasunaren aldeko borrokak hunkitzen gaituenean, bizitza berriro hasten dela sentitzen dugunean. Beste momentu batzuek, berriz, bilaketan jartzen gaituzte: dena bertan behera etortzen denean, sufrimenduaren, pertsona maiteak galtzearen edo oinazearen aurrean, gainera ateratzen dira geure barruko galdera handiak.

Non dago Jainkoa honetan guztian? Probaldi

latzetan nahiz itxaropenean, hortxe dago Jainkoa.

Jainkoa nola aurkituko galdezka gabiltza, geure zalantzak nahastu egiten gaitu, erantzuna aurkitzeko premiak urduri jartzen gaitu. Barrura begiratzuz gero, entzun dezakegu geure barruan oihartzun degien Jainkoaren gonbitea. Gu denok presentzia batek bizi gaituen izakiak gara. Gure bizitzaren barnean ezkutaturik, Hark jarraitzen ditu gure pausoak eta gure konpainian doa begirunezko maitasun zuhurraz. Jainkoaren misterioarengana, zalantzen eta beldurren, zaraten eta lanbroen artean, hurbil gaitzke.

Ebanjelioa, Jesusekin aurkitzeko bide bat da; Haren figurak eta bizitzak Jainkoaren maitasun absolutua erakusten digute. Harengana aurreiritzirik gabe, bihotza irekita, hurbiltzeak uste gabeko bideak ireki diezazkiguke. Haren bila hastea edo Jainkoarengatik galdetzen hastea Hura aurkitzen hastea da. Jainkoa, Jesus, Ebanjelioa (nahiz eta hau gutxi ulertu) irrikatzen den une beretik, hasi da fedea bidea egiten.

Ebanjelioko pasarteak: Jn 1, 43-50

Biharamunean, Jesusek Galilearantz joatea erabaki zuen. Felipe aurkitu eta esan zion: «Jarraitu niri».

Felipe Betsaidakoa zen, Andres eta Pedroren herrikoa.

Felipek Natanael aurkitu zuen, eta esan zion:

— Moisesek legearen liburuan eta profetek beren idazkietan aipatu zuten hura aurkitu diagu: Jesus, Joseren semea, Nazaretetako.

Natanaelek esan zion:

— Ezer onik atera ote daiteke Nazaretetik?

Felipek erantzun zion:

— Etorri eta ikusi.

Ikusi zuen Jesusek Natanael zetorkiola, eta esan zuen:

— Hona benetako israeldar bat, faltsukeriarik gabea.

Natanaelek galdetu zion:

— Nondik ezagutzen nauzu?

Jesusek erantzun:

— Felipek deitu aurretik ikusi zintudan pikupean.

Natanaelek esan zion:

— Maisu, zu Jainkoaren Semea zara, zu Israelgo erregea zara.

Jesusek ihardetsi zion:

— Pikupean ikusi zintudala esan dizudalako sinesten al duzu? Handiagorik ere ikusiko duzu!

San Frantziskoren testua: Anai Leoni bedeinkapena

*Jaunak bedeinka eta gorde zaitzala,
Bere aurpegia erakutsi eta erruki dakizula.
Maitasunez begiratu eta bakea eman diezazula.
Jaunak bedeinka zaitzala, anai Leon.*

Frantziskok zera daki: Jainkoarekin bizitzeak bakarrik ematen diola betetasuna pertsonari. Anai Leon bere anaia eta adiskide minari bedeinkapen hau idazten dionean, hau eskatzen du harentzat: Jaunak zaindu dezala, eman diezaiola hura ezagutzeko argia, bere ontasunean babes dezala....Batez ere hau daki Frantziskok: pertsona orok desiratzen duen barru-barruko bake hori, Jainkoaren begirada maitekorraren pean konfiantzaz bizitzetik sortzen dela, eta hori da Leoni desiratzen diona: "Maitasunez begiratu eta bakea eman diezazula".

Sal 27, 7-14

Entzun, Jauna, dei degizut! Erruki nitaz eta erantzun!	hartuko nau.
Bihotzak esaten dit:	Erakutsi iezadazu, Jauna, zeure bidea,
«Ea, bila ezazu Jaunaren aurpegia».	eraman nazazu bide zuzenetik, etsaiak ugari baitituz.
Zure aurpegiaren bila nator, bai, Jauna.	Ez utzi ni etsaien gogara,
Ez gorde niri zeure aurpegia!	lekuko gezurtiak altxatu baitira nire aurka,
Ez baztertu zeure morroi hau haserrez,	indarkeria dariela.
zu baitzaitut laguntza bakarra!	Ziur nago ni:
Ez ni bertan behera utzi, ez zapuztu,	Jaunaren ontasuna gozatuko dut bizien lurraldean.
salbatzaile zaitudan ene Jainko horrek!	Itxaron Jaunarengan! Eutsi gogor, izan kemen!
Aita-amek zapuzten banaute ere, Jaunak berekin	Itxaron Jaunarengan!

Gutuneko azken hitzak

Jainkoarekin harremanean jartzeak ez du azpiegitura handirik behar. Gure eguneroko bizitza, gure familia, adiskideak, lana, egintzak... dira Harekin aurkitzeko toki ezin hobeak.

2009ko apirilko eguneroko ebanjelioa

Egunero Ebanjelioa irakurri nahi duten lagunek, egun bakoitzari dagozkion irakurgaien arabera, hemen dauzkate apirilko erreferentzia guztiak:

1 Jn 8,31-42	7 Jn 13, 21-33. 36-38	13 Mt 28,8-15	19 Jn 20,19-31	25 Mk 16,15-20
2 Jn 8,51-59	8 Mt 26, 14-25	14 Jn 20,11-18	20 Jn 3,1-8	26 Lk 24,35-48
3 Jn 10,31-42	9 Jn 13,1-15	15 Lk 24,13-35	21 Jn 3, 7b-15	27 Jn 6,22-29
4 Jn 11,45-57	10 Jn 18,1-19,42	16 Lk 24,35-48	22 Jn 3,16-21	28 Jn 6,30-35
5 Mk 14,1-15,47	11 Mk 16,1-7	17 Jn 21,1-14	23 Jn 3,31-36	29 Jn 6,35-40
6 Jn 12, 1-11	12 Jn 20,1-9	18 Mk 16,9-15	24 Jn 6,1-15	30 Jn 6,44-51

Oharrak:

Asis Sarearen ezaugarri nagusia da irekia izan nahi duela eta bere asmoa biderkatzea. Irekitasun hau sarean parte hartzen dugun bakoitzari egitea dagokigu. Guztiok Asis Sarearen biderkatzaileak izan gaitezke, hileroko Gutun hau jasotzera edo hileroko azken ostegunetan 19.30ean ospatzen dugun otoitzaldian parte hartzera inguruko lagunen bat gonbidatuz.

Asis Sareari buruzko informazioa hartu nahi izanez gero, edo gutun hau hileroko hartzeko izena emateko, deitu 646-214896 telefono zenbakira edo bidali mezua asissarea@arantzazu.org helbide elektronikora.